


**VENAE PORTAE AB VNIVERSIS QVL**  
 BVIS COMMITTITVR PARTIBVS LIBERAE, INTEGRA  
 delineatio, in ea proportionē expressa, ad quam secundum praesentem si-  
 guram aliquis iecur, bilis uesiculam, uentriculum, lienem, omen-  
 tum, mesenterium & intestina ex illorum magnitudi-  
 ne, ac insuper in suo situ depingeret.



a prima serie trunci dextri uenae portae

**NVDAE VENAE PORTAE DELINEATIONIS**  
 characterum Index.

A, A etc. **QVINQVE** his characteribus portae uenae propagines indicantur, per iecoris  
 corpus diffusae, & hic ueluti iecoris formam secundum cauam ipsius sedem exprimentes.  
 1, 2, 3, 4, 5 Numerus iste quinque portae uenae ramos (nisi subinde etiā pauciores sunt) notat, ex quibus ipsius  
 caudex quodāmodo proximē cōstituitur, aut in quos is primū in iecoris substantiam digeritur.  
 Venae

B Vena portae, quā primū a iecoris substantia libera & amplissima cernitur.  
 C, C Duo ramusculi bilis uesiculam in caua iecoris sede positam adēntes.  
 D Vena ad posteriorem inferioris uentriculi orificij sedem excurrentes.  
 E Hac sede uena portae in duos maximos bipartitur truncos.  
 F Truncus sinister & elatior. G Truncus dexter & humilior.  
 H Vena dextram fundi uentriculi sedem perreptans, & geniculatim illi sedi ac superioris mem-  
 branae omenti dextrae parti ramulos praebens.  
 I Vena duodeno intestino & ieiuni principio exprompta.  
 K Ramus in dextram regionem gibbi uentriculi quā id dorsum respicit, aliquot surculis digestus.  
 L Vena in dextrā sedem inferioris omenti membranae & colum intestini quā hac fertur excurrēs.  
 M Soboles quaedā a sinistro trunco in glandosum corpus inferiori membranae omenti innatū, sparsae.  
 N Vena insignis sub uentriculo, ubi dorso is innititur, uersus elatius ipsius orificiū oblique conscen-  
 dit, quo priusquam pertingat, utrinque unam educit propaginem O insignitam, & in uentricu-  
 lum hac sede qua dorso incumbit, digestam. P uero praesentis uenae reflexum per dextrum orifi-  
 cij uentriculi latus in anteriore uentriculi sedem: Q autem reliquā praesentis uenae serie notat,  
 quae instar coronae id orificiū amplexatur. Vmbra qua hanc uenam aliqua ex parte ornaui-  
 mus, hic ut in reliquis uenarum & nervorum arteriarumq; delineationibus uenae partem in po-  
 steriora & in magis recondita deductam interstinguit, ab illa quā in priori seu anteriori sede  
 oculis subiicitur, aut oculis propinquior est.  
 R Ramus uenae superius uentriculi orificiū ambientis, qui secundum elatiora uentriculi proce-  
 dens, inferiori orificio surculos exhibet, soboles etiam satis frequentes in progressu ad antero-  
 ra posterioraq; uentriculi dispergens.  
 S Grandis utunque uena in inferiorem omenti membranā & colum intestinum quā uentriculo  
 exporrigitur, numerosa sobole procurrrens.  
 T, T Sinistri trunciduaricatio, ubi is iam lienem est accessurus.  
 U Venula in sinistram sedem inferioris membranae omenti distributa, cuius radicem in integra si-  
 gura (quod subinde desit) duntaxat delineauimus, eius serie hac peculiari figura quam margini  
 adhibemus exprimentes, in qua T uenam, quā lien exporrigitur, cōmonstrat utrinq; abtrunca-  
 tam, praesens uero uenula U insignitur.  
 X, X Vena ab illis quae elatiora lienis petunt, in sinistram uentriculi latus dispensata.  
 Y Eiusmodi etiam uena hic, qualem utrinque X indicabat, insignitur.  
 Z Vena in sinistram fundi uentriculi sedem perreptans, multasq; soboles uentriculo superiori-  
 omenti membranae offerens.  
 a, a, a His characteribus uenarum in lienis substantia distributio indicatur, adeo frequens, ut lienis  
 imaginem facile ostendat.  
 b, b, b Prima dextri portae uenae trunci in mesenterium series. Haec in mesenterium digestae uenae qui-  
 busdam meseraicae ac mediae & laeuae nuncupantur.  
 c Vena colo intestino quā recto continuatur, exporrecta.  
 d, d Vena sub recto praeorepens intestino indicatur, unā cum ramulis intestino in uenā progres-  
 su digestis.  
 e, e Venularum soboles, recti intestini finem amplexantes. Praeter hanc figurā cuius modō cha-  
 racterum indicem absolui, aliae complures quinto libro dedicate, huc reponi possent, quibus illa  
 exprimuntur organa, in quā portae soboles diffunduntur. Praecipue autem huc spectarent secun-  
 da, tertia, quarta, decima, duodecima, decimatertia, decimaquarta, decimaquinta. Quinetiam  
 hic maxime facit, figura ex horum librorum Epitome sumpta, quam ad praesentis libri calcem  
 in alia quadam in hoc subnectam, ut uenarum & arteriarum mutua series oculis obseruari  
 tur. Quotiescunque igitur in interiori Capitis contextus margine simplex character ponetur,  
 illum ad nudam quam huic Capiti praeposui figuram refer. reliquos autem ad eas figuras ad  
 quas illos spectare adiiciemus, ac proinde manifestioris doctrinae gratia ultimam praesentis li-  
 bri figuram totius libri contextu notabimus, ult. fi.